

四庫未收書輯刊編纂委員會編

四庫未收書輯刊

北京出版社

壹輯·拾陸冊

四庫未收書輯刊

四庫未收書輯刊編纂委員會編

北京出版社

〔明〕閔齊伋裁注

國語九卷

明萬曆四十七年刻本

壹輯・拾陸冊目錄

國語九卷〔明〕閔齊伋裁注

一

戰國策十二卷〔明〕閔齊伋裁注

一三七

張陸二先生批評戰國策抄四卷〔明〕王篆輯注

三六五

粵氛紀事十三卷〔清〕謝山居士撰

四七五

戡定新疆記八卷〔清〕魏光燾撰

六七一

〔明〕閔齊伋裁注

國語九卷

明萬曆四十七年刻本

國語解序

昔孔子發憤於舊史垂法於素王左丘明因聖言以摭意託王義以流藻其淵源深大沈懿雅麗可謂命世之材博物善作者以其明識高遠雅思未盡故復采錄前世穆王以來下訖魯悼知伯之誅邦國成敗嘉言善語陰陽律呂天時人事逆順之數以爲國語其文不主於經故號曰外傳所以包羅天地探測禍福發起幽微章表善惡者昭然甚明實與經義並陳非特諸子之倫也遺秦之世幽

國語序

而復光賈生史遷頗綜述焉及劉光祿於漢成世始更考校是正疑謬至於章帝鄭大司農爲之訓解解疑釋滯昭晰可觀至於細碎有所闕畧侍中賈君敷而衍之其所發明大義略舉爲已慘矣然於文間時有遺忘建安黃武之間故侍御史會稽虞君尚書僕射丹陽唐君皆英才碩儒洽聞之士也采摭所見因賈爲主而損益之觀其辭義信多善者然所註釋猶有異同昭以末學淺闇寡聞階數君之成訓思事義之是非愚心頗有所覺今諸

家並行是非相貿雖聰明疏達識機之士知所去就然淺聞初學猶或未能祛過切不自料復爲之解因賈君之精實採唐虞之信善亦所以覺增潤補綴參之以五經檢之以內傳以世本考其流以爾雅齊其訓去非要存事實凡所發正三百七事又諸家紛錯載述爲煩是以時有所見庶幾頗近事情載有補益猶恐人之多言未詳其故欲世覽者察之韋昭撰

國語目錄

周語第一

魯語第二

齊語第三

晉語上第四

晉語下第五

鄭語第六

楚語第七

吳語第八

國語

越語第九

按漢志及隋唐經籍志或為二十卷或二十一卷雖多割裂於義無取也春秋獨晉主盟為久事文繁多今定自武公至懷公為晉上卷自文公至晉末為晉下卷而周及列國每為一卷又舊本取語中各章首句錄為細目尤為無謂今不復贅也

國語第一

周

穆王將征犬戎祭公諫曰不可先王耀德不觀兵夫兵戢而時動動則威觀則玩玩則無震是故周文公之頌曰載戢干戈載櫜弓矢我求懿德肆于時夏允王保之先王之於民也茂正其德而厚其性阜其財求而利其器用明利害之鄉以文修之使務利而避害懷德而畏威故能保世以滋大昔我先世后稷以服事虞夏及夏之衰也棄稷弗務我先王不窾用失其官而自竄於戎翟之間不歆怠棄時序其德纂修其緒修其訓典朝夕恪勤守以俸篤奉以忠信夾世載德不忝前人至於武王昭前之光明而加之以慈餼事神保民莫不欣喜商王帝辛大惡於民庶民弗忍欣戴武王以致戎於商牧是先王非務武也勤恤民隱而除其害也夫先王之制邦內甸服邦外侯服侯衛賓服蠻夷要服戎翟荒服甸服者祭侯服者祀賓服者饗要服者貢荒服者王日祭月祀時享歲貢終王

凡此諸語皆與前同

附錄

能帥舊德而守終純固其有以禦我矣王不聽遂
征之得四白狼四白鹿以歸自是荒服者不至

耀明也。觀示也。載聚也。時勸謂三時務農。一時
 講武。文公周公旦之說也。載戢載櫜之載。則也。
 櫜。輜也。言天下已定。聚飲其干戈。櫜其弓矢。
 示不復用也。懿美也。肆陳也。時是也。言武王常
 求美德。故陳其功於是夏而歌之。樂章大者曰
 夏。允信也。信哉。王能保此時夏之美也。后君
 也。稷官名。父子相繼曰世。謂棄而不密。棄果也。
 載德之載。成也。商牧商旬。牧野。旬王田也。服服
 其職業也。宥服常以服貢。貢見於王者。要結
 好信也。祭供日祭也。祀供月祀也。享供時享也。
 大畢伯仕。大戎氏之二君。煩賊也。樹立也。立性
 倬樸也。帥循也。言大戎氏循先王之舊德。奉其
 常職。天性專一。終身不
 移。不聽穆王責其享也。

柳宗元曰康公之書誠賢耶則宜以荒淫失度命其子焉用懼之以數且以德大而復堪則納五女之奔者德果何如若曰勿受之則可矣教子而嫖王以女非正也左傳以滅衛微之無足者

召或作𠂔

孫應鑾曰天子
聽政一段自是
本理而首以川
蜀後以山川原
隰沃衍輸各極
音起

東齊人謂專為
者史
悖步沒切一說
梁武以佛有悖
者改悖為背按
經史及諸儒多
布內切

恭王游於涇上。密康公從有三女奔之。其母曰。必致之於王。夫獸三爲羣。人三爲衆。女三爲衆。王田不取羣。公行下衆。王御不參一族。夫衆美之物也。衆以美物歸女。而何德以堪之。王猶不堪。況爾小醜。小醜備物終必亡。康公弗獻。一年。王滅密。

奔不由媒氏也。棄美貌。御婦官也。
參三也。一族一父子也。醜類也。

厲王虐國人。謗王。召公告王曰：「民不堪命矣。」王怒，得衛巫，使監謗者。以告，則殺之。國人莫敢言。道路以目。王喜，告召公曰：「吾能弭謗矣，乃不敢言。」召公

國語

曰是郭之也防民之口甚於防川川壅而潰傷人必多民亦如之是故爲川決之使導爲民者宣之使言故天子聽政使公卿至於列士獻詩瞽獻典史獻書師箴瞽賦謠百工諫庶人傳語去近臣盡規親戚補察瞽史教諍耆艾修之而後王斟酌焉是以事行而不悖民之有口也猶土之有山川也財用於是乎出猶其有原照衍沃也衣食於是乎生口之宜言也善敗於是乎興行善而備敗所以阜財用衣食者也夫民慮之於心而宣之於口成

穆文惠曰榮
公將專利至
耳

日或作曰
公將專利至
耳

而行之。胡可壅也。若壅其口。其與能幾何。王弗聽。於是國人莫敢出言。三年。乃流王於彘。

衛至衛國之巫。以巫有神靈。有訪必知之。齊止也。無目曰瞽。瞽史掌陰陽。天時。禮法之書。以相教誨者。卑。襄公曰。吾非瞽史。焉知天道。是也。若艾師傳也。對取也。

厲王說榮夷公。芮良夫曰。王室其將卑乎。夫榮公好專利而不知大難。夫利。百物之所生也。天地之所載也。而或專之。其害多矣。天地百物。皆將取焉。胡可專也。所怒甚多。而不備大難。以是教王。王能

國語

久乎。夫王人者。將專利而布之。上下者也。使神人百物。無不得其極。猶曰休惕懼怨之來也。故頌曰。思文后稷。克配彼天。立我烝民。莫匪爾極。大雅曰。陳錫載周。是不布利而懼難乎。故能載周。以至於今。今王學專利。其可乎。匹夫專利。猶謂之盜。王而行之。其歸鮮矣。榮公若用。周必敗。既榮公為卿士。諸侯不享。王流于彘。

載成也。導聞也。思文郊祀后稷。以配天之樂歌。經緯天地曰文。極中也。陳布也。錫賜也。言文王布賜施利。以載成周道。

聖書其音
伯名和也
代自休也
記為注則
如字

聲千智切又
何某切俱訓
潮也

破音弗又音
排

亂之亂。宣王在召公之宮。國人圍之。召公曰。昔吾驟諫王。王不從。以及此難。今殺王子。王其以我為對。而怒乎。夫事君者。險而不怒。怨而不怒。死事王乎。乃以其子代宣王。宣王畏而立之。

量之亂。公卿相與和而修政事。號曰共和。凡十四年而宣王立。

宣王即位。不藉千畝。號文公諫曰。不可。夫民之大。事在農。上帝之業盛於農。於是乎出。民之蕃庶。於是乎生。事之共給。於是乎在。鈇協輯睦。於是乎興。財用蕃殖。於是乎始。敦龐純固。於是乎成。是故稷為大

國語

官。古者大史順時。視土。陽瘳憤盈。土氣震發。農祥晨正。日月底于天廟。土乃脉發。先時九日。大史告稷曰。自今至于初吉。陽氣俱蒸。土膏其動。弗震弗渝。脉其滿眚。穀乃不殖。稷以告王。曰。史師陽官。以命我司事。曰。距今九日。土其俱動。王其祗戒。監農不易。王乃使司徒。咸戒公卿百吏庶民。司空除壇於藉。命農大夫。咸戒農用。先時五日。瞽告有協風至。王即齊宮。百官御事。各即其齊三日。王乃淳濯饗醴。及期。鬱人薦鬯。犧人薦醴。王裸鬯饗醴。乃行。

百吏庶民畢從及藉后稷監之膳夫農正陳藉禮
犬史贊王王敬從之王耕一墾班三之庶人終於
千畝其后稷省功犬史監之司徒省民犬師監之
畢宰夫陳饗膳宰監之膳夫贊王王欲犬牢班嘗
之庶人終食是日也替帥音官以省風土廩於藉
東南鍾而藏之而時布之於農稷則備戒百姓紀
農協功曰陰陽分布震雷出滯土不備墾辟在司
寇乃命其旅曰御農師一之農正再之后稷三之
司空四之司徒五之犬保六之犬師七之犬史八

國語

之宗伯九之王則大御藉稷亦如之民用莫不震
動恪恭於農修其疆畔日服其鐻不解於時財用
不乏民用餘同是時也王事唯農是務無有求利
於其官以干農功三時務農而一時講武故征則
有威守則有財若是乃能媚於神而餘於民矣則
享祀時至而布施優裕也今天子欲修先王之緒
而棄其大功匱神乏祀而困民之財將何以求福
用民王弗聽三十九年戰於千畝王師敗績於姜
氏之戎

國語

天子藉田千畝諸侯百畝自厲王之流藉田禮
廢宣王即位不復遵古也藉借也借民力以爲
之也規視也藉厚也積穀也農祥房星也晨正
謂立春之日晨中於午也農事之候故曰農祥
底至也天廟宮室也孟春之月日月皆在營室
脈理也農書曰春土冒脈陳根可拔耕者急發
震動也農變也音哭也言陽氣俱升土膏欲動
當即發動變寫其氣不然則脈滿氣結更爲災
病穀乃不殖矣陽官春官即去也不易爲物
土之宜淳沃也濯洗也饗飲也饗饗金香草宜
以和樂酒也周禮人掌饗器凡祭祀賓客和
饗一和之饗也班次也王於下各三其上也王
一墾公三卿九大夫二十七終盡耕也故饗也
音官樂官風土以音律省土風風氣和則土氣
養也康御慶一名神倉鍾聚也布賦也辟在司
寇司寇行其罪也族衆也徇行也一之先
往也大御帥公卿大夫親行農也鍾鍾屬

魯武公以括與戲見王王立戲樊仲山父諫曰不
可立也不願必犯犯王命必誅故出令不可不願
也令之不行政之不立行而不願民將棄上夫下
事上少事長所以爲順也今天子立諸侯而建其
少是教逆也若魯從之而諸侯傲之王命將有所
墮若不從而誅之是自誅王命也是事也誅亦失
不誅亦失天子其圖之王卒立之魯侯歸而卒及
魯人殺懿公而立伯御三十二年宣王伐魯立孝
公諸侯從是而不睦

遺民曰治民
官各盡其職
引司民以下
之治民之事
得民而後
常可與故引
綱以下也之

括武公長子伯括也。威括弟懿公也。孝公懿公之弟稱也。王命將有所立。言先王立長之命。將今魯亦立長。若誅之。是自誅王命矣。
宜王欲得國子之能導訓諸侯者。樊穆仲曰。魯侯孝王曰。何以知之。對曰。肅恭明神而敬事者。賦事行刑。必問於遺訓。而咨於故實。不干所問。不犯所咨。王曰。然則能訓治其民矣。乃命魯孝公於夷宮。
國語 月
國子。同姓諸姬也。凡王之子弟。謂之國子。導訓諸侯。謂為州伯。夷官者。夷王之廟。
宣王既喪南國之師。乃料民於犬原。仲山父諫曰。民不可料也。夫古者不料民而知其少多。司民協孤終。司商協名姓。司徒協族。司寇協姦。牧協職。工協革。場協入。廩協出。是則少多死生出入往來者皆可知也。於是乎又審之以事。王治農於藉。蒐於農隙。耨穫亦於藉。獮於既烝。狩於畢時。是皆習民熟者也。又何料焉。不謂其少而大料之。是示少而惡事也。臨政示少。諸侯避之。治民惡事。無以賦令。且無故而料民。天之所惡也。害於政而妨於後嗣。王卒料之。及幽王。乃廢滅。

詩云。滔滔江漢。南國之紀。南國。江漢之間也。喪南國之師。厥于姜戎是也。料數也。司民掌登萬民之數。自生齒以上。皆書於版。協合也。合其名籍。以登於王也。無父曰孤。終死也。司商掌賜族受姓之官。族。師旅。革更也。更。制度者。合其數也。藉。藉於千畝也。耨。耨穫亦於藉。言於藉考課之。不謂其少云者。言王不謂其衆少。而大料數之。是示以寡少。又厭惡政事不能修之意也。臨政示少云者。言示天下以寡弱。諸侯將避遠也。言不親附也。
幽王三年。西周三川皆震。伯陽父曰。周將亡矣。夫天地之氣。不失其序。若遇其序。民之亂也。陽伏而不能出。陰遁而不能烝。於是地有地震。今三川實震。是陽失其所而鎮陰也。陽失而在陰。川源必塞。夫水土演而民用也。水土無演。民乏財用。不亡何待。昔伊洛竭而夏亡。河竭而商亡。今周德若二代之季矣。其川源又塞。塞必竭。夫國必依山川。山崩川竭。亡之徵也。川竭山必崩。若國亡。不過十年。數之紀也。夫天之所棄。不過其紀。是歲也。三川竭。岐山崩。十一年。幽王乃滅。周乃東遷。
惠王三年。邊伯石遊為國出王而立王子。穰王處。

於鄭三年子積飲三大夫酒子國爲客樂及徧饗鄭厲公見號叔曰吾聞之司寇行戮君爲之不舉而況敢樂禍乎今吾聞子積歌舞不思憂夫出王而代其位禍孰大焉臨禍忘憂是謂樂禍禍必及之盍納王乎號叔許諾鄭伯將王自園門入號叔自北門入殺子積及三大夫王乃入

王姬受於莊王生子積子積有寵爲國爲之師及惠王即位取爲國之圖及遺伯之官又故石邀之積故三子出王而立子積子國爲國客上客也徧饗六代之樂也謂黃帝曰雲門堯曰咸池舜曰大韶禹曰大夏殷曰大濩周曰大武一曰諸大夫徧饗也

國語周

十五年有神降於莘王問於內史過曰是何故固有之乎對曰有之國之將興其君齋明衷正精潔惠飭其德足以昭其馨香其惠足以同其民人神饗而民聽民神無怨故明神降之觀其德政而均布福焉國之將亡其君貪冒辟邪淫佚荒怠麤穢暴虐其政腥臊馨香不登其刑矯誣百姓攜貳明神弗蠲而民有遺志民神怨痛無所依懷故神亦往焉觀其苛慝而降之禍是以或見神以興亦或以亡昔夏之興也融降於崇山其亡也回祿信於

賁商之興也構杞次於丕山其亡也夷羊在牧周之興也鸞鷟鳴於岐山其衰也杜伯射王於鄆是皆明神之志者也王曰今是何神也對曰昔昭王娶於房日房后實有與德協於丹朱丹朱爲身以儀之生穆王焉實臨照周之子孫而禍福之夫神壹不遠徙遷焉若由是觀之其丹朱乎王曰其誰受之對曰在號土王曰然則何爲對曰臣聞之道而得神是謂逢福淫而得神是謂貪禍今號少荒其亡乎王曰吾其若之何對曰使犬宰以視史

國語周

帥狸姓奉犧牲菜盛玉帛往獻焉無有祈也王曰號其幾何對曰昔堯臨民以五今其甯見神之見也不過其物若由是觀之不過五年王使犬宰忌父帥傅氏及祝史奉犧牲玉鬯往獻焉內史過從至號號公亦使祝史請土焉內史過歸告王曰號必亡矣不禋於神而求福焉神必禍之不親於民而求用焉民必違之精意以享禋也慈保庶民親也今號公動匱百姓以逞其違離民怨神而求利焉不亦難乎十九年晉取據

陽曰刊三書
無恨者而實
自深意以書見
可不歎夫而
其下滿聲見
可慮處者而
其氏厥庚見
可慮已連翻
述其所以茲
之曰是矣
不可不傾
書錄

襄王使召公過。及內史過。賜晉惠公命。呂甥卻芮相晉侯。不敬。晉侯執玉卑。拜不稽首。內史過歸。以告王曰。晉不亡。其君必無後。且呂卻將不免。王曰。何故。對曰。夏書有之曰。衆非元后何戴。后非衆無與守邦。在湯誓曰。余一人有辜。無以萬夫。萬夫有

國語

舉在余一人。在殷庚曰：國之臧則維^維，汝衆國之不
 臧則維余一人是有逸罰。如是則畏衆使民不可
 不慎也。民之所急在於大事，先王知大事之必以
 衆濟也，故祓除其心以饗惠民。考中庶衷以渥之。
 昭明物則以訓之，制義庶孚以行之。祓除其心，精
 也。考中庶衷，忠也。昭明物則，禮也。制義庶孚，信也。
 然則畏衆使民之道，非精不饗，非忠不立，非禮不
 順，非信不行。晉侯卽位而背外內之路，虐其處
 者，棄其信也不敬，王命棄其禮也。施其所惡，棄其

說文無𧈧字
古但作𧈧
任而林切又
而鶴切

國語

身乎夫晉侯非嗣也而得其位。壺、音合、怵、惕、惕、保、任、戒、懼、猶曰：「未也。」若將廣其心而還其鄰。陵其民而卑其上。將何以固守？夫執玉卑替其擎也。拜不稽首，誣其王也。替、擎、無、鎮、誣、王、無、民、夫、天、事、恒、象、任、重、事、大、者、必、速、及、故、晉、侯、誣、王、人、亦、將、誣、之、欲、替、其、鎮、人、亦、將、替、之、大、臣、享、其、祿、弗、諫、而、阿、之、亦、必、及、焉。襄王三年而立晉侯。八年而隕於韓。十六年而晉人殺懷公。無胄。秦人殺子公子公。

力召切又

猶拂也。禮臨也。考省已之中心。以度人之中心。想以臨之也。庶幾也。孚信也。背外路不予秦地。背內路不予里平之田也。虐其處者殺里平之黨也。中庭之左右曰位。門屏之間曰著。莖表也。鎮重也。替廢也。廢其執掌之禮也。恒常也。事善象言。事惡象凶。背後也。子金曰。錫。子公。卻芮之字也。

襄王使大宰文公及內史與賜晉文公命。上卿逆於境。晉侯郊勞。館諸宗廟。饋九牢。設庭燎。及期。命於武宮。設桑土。布几筵。大宰准之。晉侯端委以入。大宰以王命命見服。內史贊之。三命而後即見服。既畢。賓饗贈餞。如公命。侯伯之禮。而加之以宴好。

國語

內史與歸。以告王曰。晉不可不善也。其君必霸。逆王命。敬奉禮義。成敬王命。順之道也。成禮義。德之則也。則德以道諸侯。諸侯必歸之。且禮所以觀忠信。仁義也。忠所以分也。仁所以行也。信所以守也。義所以節也。忠分則均。仁行則報。信守則固。義節則度。分均無怨。行報無匱。守固不偷。節度不撓。若民不怨而財不匱。令不偷而動不撓。其何事不濟。中能應外。忠也。施三服義。仁也。守禮不淫。信也。行禮不疚。義也。臣入晉境。四者不失。臣故曰。晉侯其

能禮矣。王其善之。樹於有禮。文入必豐。王從之。使於晉者。道相逮也。及惠后之難。王出在鄭。晉侯納之。襄王十六年立晉文公。二十一年以諸侯朝於衡離。且獻楚捷。遂為踐土之盟。於是乎始霸。

武宮文公之祖。武公之廟也。端委說云。衣玄端。冠委貌。諸侯祭服也。韋氏云。此士服也。諸侯之子未受爵命。服士服也。奉禮義成。謂三讓賓饗之屬。皆如禮。度得其度也。施三謂三讓賓饗服得其宜。謂端委也。艾報也。惠后。惠王之后。襄王繼母陳媽也。陳媽有寵。生子帶。將立。未及而卒。子帶奔齊。王復之。又通於襄王之后。隱氏。王替隱氏。周大夫顏叔桃。子奉幣以翟師伐周。王出適鄭。處於汜。晉僖二十五年。晉侯納王于周。而殺子帶。襄王十六年。晉僖之二十四年也。

國語

襄王十三年。鄭人伐滑。王使游孫伯請滑。鄭人執之。王怒。將以翟伐鄭。富辰諫曰。不可。人有言曰。兄弟讒。閭侮人百里。周文公之詩曰。兄弟閭于牆外。禦其侮。若是則閭乃內侮。而雖閭不敗親也。鄭在天子兄弟也。鄭武莊有大勳力於平桓。凡我周之東遷。晉鄭是依。子頹之亂。又鄭之由定。今以小忿棄之。是以小怨置大德也。無乃不可乎。且夫兄弟之怨。不徵於它。徵於它。杻乃外矣。章怨外利不義。棄親即翟不祥。以怨報德不仁。夫義所以生利也。

它古文他字

蘇文和字
甘今通用

內傳書原之
言曰報者德
矣施者未報
秋國食德王
又德之女德
無極婦德無
終秋必為恩
只二十八字
詩簡意盡

退書文通字

祥所以事神也。仁所以保民也。不義則利不阜。不
祥則福不降。不仁則民不至。古之明王。不失此三
德者。故能光有天下。而蘇寧百姓。令聞不忘。王其
不可以棄之。王不聽。十七年。王降翟師以伐鄭。王
德翟人。將以其女為后。富辰諫曰。不可。夫婚。禍
福之階也。利內則福由之。利外則取禍。今王外利
矣。其無乃階禍乎。昔摯嚳之國也。由犬任。杞綰由
犬。姬齊許申。呂由犬。姜陳由犬。姬是皆能內利。親
親者也。昔鄭之亡也。由仲任。密須由伯姑。鄆由叔

國語

十六

姁。聘由鄭姬。息由陳媯。鄆由楚曼。羅由季姬。盧由
荆媯。是皆外利。離親者也。王曰。利何如而內。何如
而外。對曰。尊貴明賢。庸動長老。愛親禮新。親舊然
則民莫不審固其心力。以役上令。官不易方。而財
不匱竭。求無不至。動無不濟。百姓兆民。夫人奉利
而歸諸上。是利之內也。若七德離判。民乃攜貳。各
以利還。上求不暨。是其外利也。夫翟無列於王室。
鄭伯南也。王而卑之。是不尊貴也。翟豺狼之德也。
鄭未失周典。王而蔑之。是不明賢也。平桓莊惠皆

受鄭勞。王而棄之。是不有勳也。鄭伯捷之齒長矣。
王而弱之。是不長老也。翟隱姓也。鄭出自宣王。王
而虐之。是不愛親也。夫禮新不聞。舊王以翟女。聞
姜任。非禮且棄舊也。王一舉而棄七德。臣故曰。利
外矣。書有之曰。必有忍也。若能有濟也。王不忍。小
忿而棄鄭。又登叔隰以階翟。翟封豕豺狼也不可
厭也。王弗聽。十八年。王黜翟后。翟人來誅。殺譚伯
富辰曰。昔吾驟諫王。王弗從。以及此難。若我不出。
王其以我為慰乎。乃以其屬死之。初惠后欲立王

國語

十七

于帶。故以其黨啓翟人。翟人遂入。周王乃出居於
鄭。晉文公納之。

先是鄭侯。清人聽命。鄭師還。又鄭衛故。鄭師
又伐清。鄭文公怨惠王之人。而不與厲公。鄭又
怨襄王之與衛。清故不聽王命。而義王使。鄭侯
也。兄弟雖以讓言。相遠。恨猶禁。禁七人。侵侮已
甚。微召也。降下也。擊嚳太任之家也。太任王季
之妃。把結太叔之家也。太叔文之妃。齊許申
呂皆姜姓。太姜之家也。太姜太王之妃。陳媯姓
大姬。武王元女。內利內行。七德親親。以申因其
家也。仲任氏女。為鄭夫人。伯姑密須之女也。鄭
叔姓。叔任鄭夫人。聘姬姓。鄭姬密須夫人。亦其
姓。所以亡也。陳媯息侯夫人。傳稱楚子滅息。以
息媯歸。是也。楚曼鄆女。為楚武王夫人。生文王。
過鄆而利其國。遂滅鄆。而棄之。季姬羅夫人。別
媯盧女。為荆夫人。荆楚也。外利行淫。解求利於

功以爲文
以禮爲
之節
私德
之節
以禮爲
功以爲文

國語

外不能親親以正其國也。夫人猶人也。譬至也。列位次也。伯南者。買待中云。在南服之侯伯也。或云。南南面而君也。鄭司農云。南謂子男。內之諸侯。雖爵於侯伯。周之舊法。皆食子男之地也。蔑小也。閭代也。姜氏任氏之女。世爲王妃。今以翟女代之。爲棄舊也。階階翟禍也。討大也。晉文公既定襄王於郊。王勞之以地。肅請隧焉。王弗許。曰。昔我先王之有天下也。規方千里以爲甸服。以共上帝山川百神之祀。以備百姓兆民之用。以待不庭不虞之患。其餘以均八公侯伯子男。使各有享宇。以順及天地。無逢其災害。先王豈有賴焉。內官不過九御。外官不過九品。足以共給神祇而已。豈敢厭縱其耳目心腹。以亂百度。亦唯是死生之服物采章。以臨長百姓。而輕重布之。王何異之。有今天降禍災於周室。余一人僅亦守府。又不佞以勤叔父。而班先王之大物。以賞私德。其叔父實應且惜。以非余一人。余一人豈敢有愛也。先民有言曰。敗玉敗行。叔父若能光裕大德。更姓改物。以糾制天下。自顯庸也。而縮取備物。以鎮撫百姓。余一人其流辟於裔土。何辭之與。有若由是。姬姓也。尚將列爲公侯。以復先王之職。大物其未可敗。

國語

也。叔父其茂昭明德。物將自至。余敢以私勞變前之大章。以忝天下。其若先王與百姓何。何政令之爲也。若不然。叔父有地而隧焉。余安能知之。文公遂不敢請受地而還。
鄭氏曰。王城之地也。賈待中云。王之葬禮。闕地通路曰隧。韋氏云。隧六隧也。周禮天子遠郊之內有六鄉。則六軍之事也。外有六隧。掌供王之貢賦。唯天子有隧。諸侯則無。現規畫而有之也。賴利也。言無所利。皆均分諸侯也。王何異之。有帝王皆然也。勤勞也。應猶受。憎惡也。言昔文雖富私賞。猶非我一人也。玉解玉。所以節行步也。君臣尊卑。遲速有節。言服其服。器行其禮。晉侯尚在臣位。不宜有隧也。改物改正朔。易服色也。制也。庸用也。謂爲天子。造制制度。自顯用於天下也。
王至自鄭。以陽樊賜晉文公。陽人不服。晉侯圍之。倉葛呼曰。王以晉君爲德。故勞之以陽樊。陽樊懷我王德。是以未從於晉。謂君其何德之布以懷柔之。使無有遠志。今將大泯其宗祏。而蔑殺其民人。宜吾不敢服也。夫三軍之所尋。將蠻夷戎翟之驕逸不虔。於是乎致武。此羸者陽也。未狎君政。故臣承命君若惠及之。唯官是徵。其敢逆命。何足以辱師君之武。震無乃玩而頻乎。臣聞之曰。武不可觀。

以殺武無不
是之則不
安王以上下
刑殺

文不可匿。說武無怨。匿文不昭。陽不承。獲師而祇。
以說武。臣是以懼。不然。其敢自愛也。且夫陽豈有
裔民。夫亦皆天子之父兄。甥舅也。若之何其虐之。
也。晉侯聞之曰。是君子之言也。乃出陽民。

陽民。二邑。廟門謂之陽。羸弱也。神者也。說見也。
匿。隱也。感適也。言陽人既不得承王室為甸服。
又懼晉不惠恤其民。適以震威耀武。而見殘破。
不然。豈敢自愛而不昭乎。裔民。謂凶惡之民。故
在萊裔者。

溫之會。晉人執衛成公。歸之於周。晉侯請殺之。王
曰。不可。夫政自上下者也。上作政而下行之。不逆。

國語

三十

故上下無怨。今叔父作政而不行。無乃不可乎。夫
君臣無獄。今元咺雖直。不可聽也。君臣皆獄。父子
將獄。是無上下也。而叔父聽之。一逆矣。又為臣殺
其君。其安庸刑布刑。而不庸。再逆矣。一合諸侯而
有再逆政。余懼其無後也。不然。余何私於衛侯。晉
人乃歸衛侯。

晉文公討不服。衛成公恃楚而不從。聞楚師敗
于城濮。懼。出奔楚。使元咺奉叔武以受盟于踐
土。或怨元咺曰。立叔武矣。衛侯殺其子角。咺不
發命。奉叔武以守。晉人復衛侯。衛侯先期入。叔
武將沐。聞君至。提髮走出。前驅射而殺之。元
咺出奔晉。會于溫。討不服也。衛侯與元咺訟。不

發作者

勝。故晉侯執之。歸之於京師。不行。謂不順也。言
晉侯不行德政。而聽元咺之惡。欲殺衛侯也。無
後無以復令諸侯也。

二十四年。秦師將襲鄭。過周北門。左右免胄而下。
超乘者三百乘。王孫滿觀之。言於王曰。秦師必有
譖。王曰。何故。對曰。師輕而驕。輕則寡謀。驕則無禮。
無禮則脫。寡謀則陷。脫而能無敗乎。秦師無
譖。是道廢也。是行也。秦師還。晉人敗諸殺。獲其三
帥丙術視。

兵車多乘。御在中央。故左右下也。胄。兜鍪也。免
脫也。脫胄而下。敬天王也。超乘。跳躍而上車。譖。

國語

三十一

猶答也。脫簡脫也。言不敦旅整陳。
丙術視。謂白乙丙。西乞術孟明視。

晉侯使隨會聘於周。定王饗之。殺烝。原公相禮。范
子私於原公曰。吾聞王室之禮無毀。拆今此何禮
也。王見其語也。召原公而問之。原公以告。王召士
季曰。子弗聞乎。禘郊之事。則有全烝。王公立飲。則
有房烝。親戚宴饗。則有殺烝。今女非它也。而叔父
使士季實來。修舊德。以獎王室。唯是先王之宴禮。
欲以貽女。余一人敢設飫禘焉。忠非親禮。而干舊
職。以亂前好。且唯夫戎翟則有體薦。夫戎翟冒沒。